

ANEXO I
Baremo

Méritos	Valoración	Documentos xustificativos
1. Antigüidade		
1.1. Antigüidade no centro 1.1.1. Por cada ano de permanencia ininterrompida como persoal funcionario con destino definitivo no centro desde o que concursa. Para os efectos deste subapartado, unicamente serán computables os servizos prestados como persoal funcionario no corpo ou corpos a que corresponda a vacante.		
Polo primeiro e segundo anos: A fracción de ano computarase a razón de 0,1666 puntos por cada mes completo.	2,0000 puntos por ano	
Polo terceiro ano: A fracción de ano computarase a razón de 0,3333 puntos por cada mes completo.	4,0000 puntos	
Polo cuarto e seguintes: A fracción de ano computarase a razón de 0,5000 puntos por cada mes completo.	6,0000 puntos por ano	Folla de servizos expedida pola Administración educativa competente ou título administrativo ou credencial con dilixencias das distintas tomas de posesións e cesamentos que teña desde o seu nomeamento como funcionaria ou funcionario ou, se é o caso, dos correspondentes documentos de inscrición nos rexistros de persoal.

CVE-DOG: t14czfj5-mxe2-1914-zgx2-xevrjie4api1



Méritos	Valoración	Documentos xustificativos
<p>Para a valoración do subpunto 1.1.1. teranse en conta as seguintes situacións:</p> <p>– Considérase como centro desde o que se participa no concurso aquel a cuxo equipo pertenza o aspirante con destino definitivo, ou no cal estea adscrito, sempre que esta situación implique perda do seu destino docente. Únicamente serán computables por este subpunto os servizos prestados como persoal funcionario no corpo a que corresponda a vacante.</p> <p>– Nos supostos de persoal funcionario docente en adscrición temporal en centros públicos españois no estranxeiro, ou en supostos análogos, a puntuación deste subpunto virá dada polo tempo de permanencia ininterrompida na devandita adscrición. Este mesmo criterio seguirase cos que foron nomeados para postos ou outros servizos de investigación e apoio á docencia da Administración educativa, sempre que o nomeamento supuxese a perda do seu destino docente.</p> <p>Cando se cese na adscrición e se incorpore como provisional á súa Administración educativa de orixe, entenderase como centro desde o que se participa o destino servido en adscrición, ao cal se acumularán, se é o caso, os servizos prestados provisionalmente con posterioridade en calquera outro centro.</p> <p>– Cando se participe desde a situación de provisionalidade por suprimírselle a praza ou posto que se viña desempeñando con carácter definitivo, por perder o seu destino en cumprimento de sentenza ou resolución de recurso ou por provir da situación de excedencia forzosa, considerarase como centro desde o que se participa o último servido con carácter definitivo, ao cal se acumularán, se é o caso, os prestados provisionalmente, con posterioridade, en calquera centro. Así mesmo, terán dereito, ademais, a que se lles acumulen ao centro de procedencia os servizos prestados con carácter definitivo no centro inmediatamente anterior ao último servido con carácter definitivo. Se é o caso, a devandita acumulación estenderase aos servizos prestados con carácter definitivo nos centros que, sucesivamente, lles foron suprimidos.</p> <p>No suposto de que non se tivese desempeñado outro destino definitivo distinto do suprimido, terá dereito a que se lle acumulen ao centro de procedencia os servizos prestados con carácter provisional antes da obtención deste, neste caso, a puntuación que se vai outorgar axustarase ao disposto na subepígrafe 1.1.2. do baremo.</p> <p>– O disposto nos dous parágrafos anteriores será igualmente de aplicación a quen participe no concurso por perder o seu destino en cumprimento de sanción disciplinaria de traslado forzoso con cambio de localidade de destino.</p> <p>– Nos supostos de primeiro destino definitivo obtido tras a supresión da praza ou posto que se viña desempeñando anteriormente con carácter definitivo, considerarase como servizos prestados no centro desde o que se concursa os servizos que se acrediten no centro en que se lles suprimiu a praza e, se é o caso, os prestados con carácter provisional con posterioridade á citada supresión. Este mesmo criterio aplicarase a quen obtivese o primeiro destino tras perder o anterior por cumprimento de sentenza, resolución de recurso, ou por provir da situación de excedencia forzosa.</p>		
<p>1.1.2. Por cada ano como persoal funcionario de carreira en situación de provisionalidade, sempre que se participe desde esta situación:</p> <p>A fracción de ano computarase a razón de 0,1666 puntos por cada mes completo.</p> <p>Cando se trate de persoal funcionario de carreira que participe por primeira vez con carácter voluntario desde o seu primeiro destino definitivo obtido por concurso, á puntuación correspondente ao subpunto 1.1.1. sumaráselle a obtida por este subpunto. Unha vez obtido o novo destino non poderá acumularse esta puntuación.</p>	2,0000 puntos	<p>Folla de servizos expedidos pola Administración educativa competente ou título administrativo ou credencial con dilixencias das distintas tomas de posesión e cesamento que teña desde o seu nomeamento como funcionaria ou funcionario de carreira ou, se é o caso, dos correspondentes documentos de inscrición nos rexistros de persoal.</p>
<p>1.1.3. Por cada ano como persoal funcionario na praza, posto ou centro que teña a cualificación de especial dificultade.</p> <p>A fracción de ano computarase a razón de 0,1666 puntos por cada mes completo.</p> <p>Esta puntuación engadirase á puntuación obtida polos subpuntos 1.1.1. ou 1.1.2.</p> <p>Non obstante, non se computará para estes fins o tempo que se permaneza fóra do centro en situación de servizos especiais, en comisión de servizos, con licenzas por estudos ou en supostos análogos.</p>	2,0000 puntos	<p>– Folla de servizos expedida pola Administración educativa competente, acompañada dunha certificación expedida por esta, acreditativa de que a praza, posto ou centro, ten esa cualificación ou</p> <p>– Certificación da Administración educativa competente onde conste a data de comezo e fin da prestación efectiva dos servizos prestados na devandita praza, posto ou centro, especificando que estes teñen a cualificación de especial dificultade.</p>
<p>1.2. Antigüidade no corpo</p>		
<p>1.2.1. Por cada ano de servizos efectivos prestados en situación de servizo activo como persoal funcionario no corpo ou corpos a que corresponda a vacante:</p> <p>As fraccións de ano computaranse a razón de 0,1666 puntos por cada mes completo.</p>	2,0000 puntos	<p>Folla de servizos expedida pola Administración educativa competente ou título administrativo ou credencial con dilixencias das distintas tomas de posesións e cesamentos que teña desde o seu nomeamento como funcionaria ou funcionario ou, se é o caso, dos correspondentes documentos de inscrición nos rexistros de persoal.</p>
<p>1.2.2. Por cada ano de servizos efectivos como persoal funcionario noutros corpos docentes a que se refire a LOE do mesmo ou superior subgrupo:</p> <p>As fraccións de ano computaranse a razón de 0,1250 puntos por cada mes completo.</p>	1,5000 puntos	<p>Folla de servizos expedida pola Administración educativa competente ou título administrativo ou credencial con dilixencias das distintas tomas de posesións e cesamentos que teña desde o seu nomeamento como funcionaria ou funcionario ou, se é o caso, dos correspondentes documentos de inscrición nos rexistros de persoal.</p>



Méritos	Valoración	Documentos xustificativos
1.2.3. Por cada ano de servizos efectivos como persoal funcionario noutros corpos docentes a que se refire a LOE de subgrupo inferior: As fraccións de ano computaranse a razón de 0,0625 puntos por cada mes completo.	0,7500 puntos	Folla de servizos expedida pola Administración educativa competente ou título administrativo ou credencial con dilixencias das distintas tomas de posesión e cesamento que teña desde o seu nomeamento como funcionaria ou funcionario ou, se é o caso, dos correspondentes documentos de inscrición nos rexistros de persoal.
<p>– Nos supostos previstos neste punto 1, ao persoal funcionario de carreira dos corpos de catedráticos de ensino secundario, de escolas oficiais de idiomas e de artes plásticas e deseño, para os efectos de antigüidade, tanto no centro como no corpo, valoráranse os servizos prestados como persoal funcionario dos correspondentes corpos de profesores, así como os prestados como persoal funcionario dos antigos corpos de catedráticos de bacharelato, de escolas oficiais de idiomas e de profesores de termo de artes plásticas e de oficios artísticos.</p> <p>– Os servizos aludidos nos subpuntos 1.2.2. e 1.2.3. non serán tidos en conta nos anos en que fosen simultáneos entre si ou cos servizos dos subpuntos 1.1.1. ou 1.1.2.</p> <p>– Para os efectos dos subpuntos 1.1.1., 1.1.2., 1.2.1., 1.2.2. e 1.2.3., serán computados os servizos que se tivesen prestado en situación de servizos especiais, expresamente declarados como tales nos puntos previstos no artigo 87 da Lei 7/2007, do 12 de abril, do Estatuto básico do empregado público, como as situacións de idéntica natureza establecidas por disposicións anteriores á citada lei. Igualmente serán computados, para estes efectos, o tempo de excedencia por coidado de familiares declarada de acordo co artigo 89.4 da citada Lei 7/2007, do 12 de abril, que non poderá exceder tres anos.</p>		
2. Pertenza aos corpos de catedráticos Por ser persoal funcionario de carreira dos corpos de catedráticos de ensino secundario, de música e artes escénicas, de escolas oficiais de idiomas e de artes plásticas e deseño:	5,0000 puntos	Folla de servizos expedida pola Administración educativa competente onde conste a pertenza ao corpo de catedráticos ou fotocopia compulsada do título administrativo ou credencial ou, se é o caso, do boletín ou diario oficial en que apareza o seu nomeamento.
3. Méritos académicos Para os efectos da súa valoración por este punto, unicamente se terán en conta os títulos universitarios oficiais con validez no Estado español (ver disposición complementaria segunda)	Máximo 10 puntos	
3.1. Doutoramento, posgraos e premios extraordinarios: 3.1.1. Por posuír o título de doutor/a:	5,0000 puntos	Fotocopia compulsada do título ou certificación do aboamento dos dereitos de expedición do título ou certificado supletorio da titulación expedida de acordo co previsto, se é o caso, na Orde do 8 de xullo de 1988 (BOE do 13 de xullo) ou na Orde do 13 de agosto de 2007 (BOE do 21 de agosto) ou no Real decreto 1002/2010, do 5 de agosto, sobre expedición de títulos universitarios oficiais (BOE do 6 de agosto).
3.1.2. Polo título universitario oficial de máster, distinto do requirido para o ingreso á función pública docente, para cuxa obtención se exixan, polo menos, 60 créditos:	3,0000 puntos	A mesma documentación xustificativa que se indica para xustificar os méritos do subpunto 3.1.1.
3.1.3. Polo recoñecemento de suficiencia investigadora ou o certificado-diploma acreditativo de estudos avanzados. Este mérito só se valorará cando non se alegue a posesión do título de doutor/a.	2,0000 puntos	Fotocopia compulsada do certificado-diploma correspondente.
3.1.4. Por obter premio extraordinario no doutoramento, na licenciatura ou grao ou, no caso das titulacións outorgadas polos conservatorios superiores de música, pola mención honorífica no grao superior:	1,0000 punto	Fotocopia compulsada da súa documentación xustificativa.
3.2. Outras titulacións universitarias: As titulacións universitarias de carácter oficial, no caso de que non fosen as exixidas con carácter xeral para o ingreso no corpo desde o que se participa, valoraranse da forma seguinte:		
3.2.1. Titulacións de grao: Polo título universitario oficial de grao ou equivalente.	5,0000 puntos	A mesma documentación xustificativa que se indica para xustificar os méritos do subpunto 3.1.1.



Méritos	Valoración	Documentos xustificativos
3.2.2. Titulacións de primeiro ciclo: Pola segunda e restantes diplomaturas, enxeñarías técnicas, arquitecturas técnicas ou títulos declarados legalmente equivalentes e polos estudos correspondentes ao primeiro ciclo dunha licenciatura, arquitectura ou enxeñaría: No caso de persoal funcionario docente do subgrupo A2, non se valorará por este punto, en ningún caso, o primeiro título ou estudos desta natureza que se presente. No caso de persoal funcionario docente do subgrupo A1, non se valorarán por este punto, en ningún caso, o título ou estudos desta natureza que sexa necesario superar para a obtención do primeiro título de licenciado, enxeñeiro ou arquitecto que se presente. Non se valorarán os primeiros ciclos que permiten a obtención doutras titulacións académicas de ciclo longo que se aleguen como méritos.	3,0000 puntos	Fotocopia compulsada de todos os títulos que se posúan ou certificado do aboamento dos dereitos de expedición expedida de acordo co previsto na Orde do 8 de xullo de 1988 (BOE do 13 de xullo). Para a valoración dos estudos correspondentes ao primeiro ciclo dunha licenciatura, arquitectura ou enxeñaría, certificación académica onde conste de forma expresa que se superaron todas as materias ou créditos conducentes para a obtención dos ditos títulos ou ciclos.
3.2.3. Titulacións de segundo ciclo: Polos estudos correspondentes ao segundo ciclo de licenciatura, enxeñaría, arquitectura ou títulos declarados legalmente equivalentes: No caso de persoal funcionario docente do subgrupo A1, non se valorarán por este punto, en ningún caso, os estudos desta natureza que sexa necesario superar (primeiro ciclo, segundo ciclo ou, se é o caso, ensinanzas complementarias), para a obtención do primeiro título de licenciado, enxeñeiro ou arquitecto que se presente. As titulacións de segundo ciclo e os títulos declarados equivalentes para todos os efectos ao título universitario de licenciado, unicamente se valorarán como un segundo ciclo.	3,0000 puntos	
3.3. Titulacións de ensinanzas de réxime especial e da formación profesional: as titulacións de ensinanzas de réxime especial outorgadas polas escolas oficiais de idiomas, conservatorios profesionais e superiores de música e danza e escolas de arte, así como as da formación profesional específica, en caso de non ser as exixidas como requisito para o ingreso na función pública docente ou, se é o caso, que non sexan necesarias para a obtención do título alegado, valoraranse da forma seguinte:		Fotocopia compulsada do título que se posúa ou, se é o caso, certificación acreditativa da expedición do dito título ou certificación acreditativa de superar os estudos conducentes á súa obtención.
a) Por cada certificado de nivel C2 do Consello de Europa:	4,0000 puntos	
b) Por cada certificado de nivel C1 do Consello de Europa:	3,0000 puntos	
c) Por cada certificado de nivel B2 do Consello de Europa:	2,0000 puntos	
d) Por cada certificado de nivel B1 do Consello de Europa:	1,0000 punto	
Cando proceda valorar as certificacións sinaladas nos puntos anteriores, só se considerará a de nivel superior que presente o/a participante.		
e) Por cada título de técnico superior de artes plásticas e deseño, técnico deportivo superior ou técnico superior de formación profesional ou equivalente:	2,0000 puntos	
f) Por cada título profesional de música ou danza:	1,5000 puntos	
4. Desempeño de cargos directivos e outras funcións: (Ver disposición complementaria terceira)	Máximo 20 puntos	
4.1. Por cada ano como director/a de centros públicos docentes, en centros de profesores e recursos ou institucións análogas establecidas polas Administracións educativas nas súas convocatorias específicas, así como director/a de agrupacións de lingua e cultura española: A fracción de ano computarase a razón de 0,3333 puntos por cada mes completo.	4,0000 puntos	Folla de servizos expedida pola Administración educativa competente en que consten as tomas de posesión e cesamento nos devanditos cargos ou fotocopia compulsada do nomeamento, con dilixencia de posesión e cesamento ou, se é o caso, certificación en que conste que na data de finalización do prazo de presentación de solicitudes continuase no cargo.



Méritos	Valoración	Documentos xustificativos
4.2. Por cada ano como vicedirector/a, subdirector/a, xefe/a de estudos, secretario/a e asimilados en centros públicos docentes: A fracción de ano computarase a razón de 0,2083 puntos por cada mes completo.	2,5000 puntos	A mesma documentación xustificativa que se indica para xustificar os méritos do subpunto 4.1.
4.3. Outras funcións docentes:	Ata 5,0000 puntos	
Por cada ano como coordinador/a de ciclo, coordinador/a do proxecto Abalar, responsable das dinamizacións das TIC, de biblioteca, de convivencia escolar, de mellora da calidade educativa e de programas internacionais, de centro plurilingüe, de sección bilingüe, de auxiliares de conversa, xefe/a de seminario, departamento ou división de centros públicos docentes, asesor/a de formación permanente, asesor/a Siega, asesor/a da Consellería de Educación e Ordenación Universitaria ou director/a dun equipo de orientación educativa e psicopedagóxica, así como polo desempeño da función titorial exercida a partir da entrada en vigor da LOE. A fracción de ano computarase a razón de 0,0833 puntos por cada mes completo. Neste punto non se puntuará a xefatura do Departamento de Orientación.	1,0000 punto	Folla de servizos expedida pola Administración educativa competente en que consten as tomas de posesión e cesamento nas devanditas funcións, ou fotocopia compulsada do nomeamento, con dilixencia de posesión e cesamento ou, se é o caso, certificación en que conste que na data de finalización do prazo de presentación de solicitudes continuase desempeñando a función docente.
Polos subpuntos 4.1., 4.2., 4.3., 6.4. e 6.6. só se valorará o seu desempeño como persoal funcionario. No caso de que se desempeñase simultaneamente máis dun destes cargos ou funcións, non poderá acumularse a puntuación e valorarase o que puidese resultar máis vantaxoso para o concursante. Para estes efectos, no caso de persoal funcionario de carreira dos corpos de catedráticos de ensino secundario, de escolas oficiais de idiomas e de artes plásticas e deseño, teranse en conta os servizos prestados nos devanditos cargos como persoal funcionario dos correspondentes corpos de profesores, incluídos os prestados como persoal funcionario dos antigos corpos de catedráticos de bacharelato, catedráticos de escolas oficiais de idiomas e profesores de termo de escolas de artes aplicadas e oficios artísticos.		
5. Formación e perfeccionamento	Máximo 10 puntos	
5.1. Actividades de formación superadas Por actividades superadas que teñan por obxecto o perfeccionamento sobre aspectos científicos e didácticos das especialidades do corpo a que pertenza o participante, as prazas ou postos a que opte ou relacionadas coa organización escolar ou coas tecnoloxías aplicadas á educación, organizadas polo Ministerio de Educación, as administracións educativas das comunidades autónomas, por institucións sen ánimo de lucro, sempre que as devanditas actividades fosen homologadas ou recoñecidas polas administracións educativas, así como as organizadas polas universidades. Puntuaranse con 0,1000 punto cada 10 horas de actividades de formación acreditadas. Para estes efectos sumaranse as horas de todas as actividades e non se puntuará o resto do número de horas inferiores a 10. Cando as actividades viñesen expresadas en créditos entenderase que cada crédito equivale a 10 horas.	Ata 6,0000 puntos	Fotocopia compulsada do certificado destas expedido pola entidade organizadora en que conste de modo expreso o número de horas de duración da actividade. No caso das organizadas polas institucións sen ánimo de lucro, deberase ademais acreditar fidedignamente o recoñecemento ou homologación das devanditas actividades pola Administración educativa correspondente, ou co certificado de inscrición no rexistro de formación da Administración educativa.
5.2. Pola impartición das actividades de formación e perfeccionamento indicado no subpunto 5.1. Puntuaranse con 0,1000 punto cada 3 horas de actividade de formación acreditada. Con esta finalidade sumaranse as horas de todas as actividades e non se puntuará o resto de número de horas inferiores a 3. Cando as actividades viñesen expresadas en créditos, entenderase que cada crédito equivale a 10 horas.	Ata 3,0000 puntos	Fotocopia compulsada do certificado ou documento acreditativo da impartición da actividade, en que conste de modo expreso o número de horas de duración da actividade. No caso das organizadas polas institucións sen ánimo de lucro, deberá ademais acreditar fidedignamente o recoñecemento ou homologación das ditas actividades a Administración educativa correspondente, ou co certificado de inscrición no rexistro de formación da Administración educativa.
5.3. Por cada especialidade da que sexa titular correspondente ao corpo polo que se concursa e distinta á de ingreso nel, adquirida a través do procedemento de adquisición de novas especialidades previstos no Real decreto 850/1993, do 4 de xuño; 334/2004, do 27 de febreiro, e 276/2007, do 23 de febreiro (para os efectos deste subpunto, no caso dos corpos de catedráticos, valoraranse as especialidades adquiridas no correspondente corpo de profesores).	1,0000 punto	Fotocopia compulsada da credencial de adquisición da nova especialidade expedida pola Administración educativa correspondente.



Méritos	Valoración	Documentos xustificativos
6. Outros méritos:	Máximo 15 puntos	
6.1. Publicacións Por publicacións de carácter didáctico e científico sobre disciplinas obxecto do concurso ou directamente relacionadas con aspectos xerais do currículo ou coa organización escolar. Aquelas publicacións que, estando obrigadas a consignar o ISBN en virtude do disposto polo Decreto 2984/1972, do 2 de novembro, modificado polo Real decreto 2063/2008, do 12 de decembro, ou, se é o caso, ISSN ou ISMN, carezan deles, non serán valoradas, así como aquelas en que o autor sexa o seu editor. Para a valoración destas publicacións deberán presentar os documentos xustificativos indicados neste subpunto coas exigencias que así se indican. Puntuación específica asignable aos méritos baremables por esta epígrafe: a) Libros nos seus distintos formatos (papel ou electrónico): – Autor ata 1,0000 punto – Coautor ata 0,5000 puntos – 3 autores..... ata 0,4000 puntos – 4 autores ata 0,3000 puntos – 5 autoresata 0,2000 puntos – Máis de 5 autores ata 0,1000 punto b) Revistas nos seus distintos formatos (papel ou electrónico): – Autor ata 0,2000 puntos – Coautor ata 0,1000 punto – 3 ou máis autoresata 0,0500 puntos	Ata 8,0000 puntos	– No caso de libros, a seguinte documentación: * Os exemplares correspondentes ou fotocopias compulsadas. * Certificado da editorial onde conste: título do libro, autor/es, ISBN, depósito legal e data da primeira edición, o número de exemplares e que a difusión destes foi en librerías comerciais. En relación cos libros editados por administracións públicas e universidades (públicas-privadas), que non se difundiron en librerías comerciais, ademais dos datos anteriores, no certificado deben constar os centros de difusión (centros educativos, centros de profesores, institucións culturais, etc.). Nos supostos en que a editorial ou asociación desaparecesen, os datos requiridos neste certificado deberán xustificarse por calquera medio de proba admisible en dereito. – No caso de revistas, a seguinte documentación: * Os exemplares correspondentes ou fotocopias compulsadas. * Certificado en que conste: o número de exemplares, os lugares de distribución e venda, ou a asociación científica ou didáctica, legalmente constituída, a que pertence a revista, o título da publicación, o/os autor/es, o ISSN ou ISMN, o depósito legal e a data de edición. En relación coas revistas editadas por administracións públicas e universidades (públicas-privadas), que non se difundiron en establecementos comerciais, ademais dos datos anteriores, no certificado deben constar os centros de difusión (centros educativos, centros de profesores, institucións culturais, etc.). – No caso de documentos en formato electrónico, para seren valorados, deberán ir acompañados por un informe no cal o organismo emisor certifique en que base de datos bibliográfica aparece a publicación. Neste documento indicaranse ademais, os seguintes datos: título da publicación, autor/es, data da publicación e depósito legal.
6.2. Por premios de ámbito autonómico, nacional ou internacional convocados polo Ministerio de Educación ou polas administracións educativas das comunidades autónomas en proxectos de investigación ou innovación no ámbito da educación ou pola participación nestes proxectos.	Ata 2,5000 puntos	A acreditación xustificativa de ter obtido os premios correspondentes expedida polas entidades convocantes ou de ter participado nos proxectos de investigación ou innovación expedidos pola Administración educativa correspondente.
6.3. Méritos artísticos e literarios: Por premios en exposicións ou en concursos ou en certames de ámbito autonómico, nacional ou internacional. – Por composicións estreadas como autor/a ou gravacións con depósito legal. – Concertos como director/a, solista, solista na orquestra ou en agrupacións camerísticas (dúos, tríos, cuartetos...) – Por exposicións individuais ou colectivas.	Ata 2,5000 puntos	No caso dos premios: certificado da entidade que emite o premio, onde conste o nome do premiado/s, o seu ámbito e a categoría do premio. No caso das composicións: certificado ou documento acreditativo en que figure que é o/a autor/a e o seu depósito legal. No caso das gravacións: certificado ou documento acreditativo en que figure que o/a autor/a ou intérprete e o seu depósito legal. No caso dos concertos: programas onde conste a participación do interesado e certificación da entidade organizadora, onde conste a realización do concerto e a participación como director/a, solista ou solista con orquestra/grupo.
6.4. Por cada ano de servizo desempeñando postos na Administración educativa de nivel de complemento de destino igual ou superior ao asignado ao corpo polo que participa. A fracción de ano computarase a razón de 0,1200 puntos por cada mes completo.	1,5000 puntos	Fotocopia compulsada do nomeamento expedido pola Administración educativa competente con dilixencia de posesión e cesamento ou, se é o caso, certificación de que na data de finalización do prazo de presentación de solicitudes continúa no posto.



Méritos	Valoración	Documentos xustificativos
6.5. Por cada convocatoria en que actuase efectivamente como membro dos tribunais dos procedementos selectivos de ingreso ou acceso aos corpos docentes a que se refire a LOE. Por este subpunto unicamente se valorará formar parte dos tribunais a partir da entrada en vigor do Real decreto 276/2007, do 23 de febreiro (BOE do 2 de marzo).	0,2500 puntos	Certificado expedido polo órgano da Administración educativa convocante que teña a custodia das actas dos tribunais destes procedementos.
6.6. Por cada ano de titoría das prácticas do título universitario oficial de máster para acreditar a formación pedagóxica e didáctica exixida para exercer a docencia en determinadas ensinanzas do sistema educativo, así como pola titoría das prácticas para a obtención dos títulos universitarios de grao que o requiran.	0,1000 puntos	Certificado expedido pola Administración educativa competente ou, se é o caso, do/da director/a do centro público docente en que se realice a titoría, con indicación do curso académico e da duración das prácticas.
7. Outros méritos relacionados co posto: 7.1. Por ter a habilitación/especialización en pedagogía terapéutica ou en audición e linguaxe: 2 puntos por especialidade. 7.2. Coordinación de departamentos de orientación nun centro: 2 puntos por ano. As fraccións de ano computaranse a razón de 0,1666 puntos por cada mes completo. 7.3. Por cada ano de servizo na especialidade de pedagogía terapéutica ou audición e linguaxe: 1 punto por ano. As fraccións de ano computaranse a razón de 0,1666 puntos por cada mes completo. 7.4. Os anos de servizo activo nos EPSA ou nos EOE ou no Gabinete Psicopedagóxico da consellería: 2 puntos por ano. As fraccións de ano computaranse a razón de 0,1666 puntos por cada mes completo.		Fotocopia cotexada dos documentos acreditativos. Fotocopia cotexada dos documentos acreditativos. Nomeamento e cesamento correspondente. Nomeamento e cesamento correspondente.

Disposición complementaria primeira

Os méritos alegados polas persoas participantes serán cumpridos ou recoñecidos na data de terminación do prazo de presentación de solicitudes. Unicamente se valorarán, polo tanto, os méritos que se posúan ata a finalización deste.

Disposición complementaria segunda. *Méritos académicos*

1. Para poder obter puntuación por outras titulacións universitarias de carácter oficial, deberá presentarse fotocopia compulsada de cantos títulos se posúan, incluído o alegado para o ingreso no corpo.

2. No que respecta á baremación de titulacións de primeiro ciclo, non se entenderá como tal a superación dalgún dos cursos de adaptación.

3. Non se baremará pola subepígrafe 3.1.2. ningún título de máster exixido para o ingreso na función pública docente.

4. Cando os títulos fosen obtidos no estranxeiro ou fosen expedidos por institucións docentes doutros países, deberá achegarse ademais a correspondente homologación.



Disposición complementaria terceira. *Valoración dos cargos directivos e outras funcións*

1. Para os efectos previstos nas subepígrafes 4.1., 4.2. e 4.3. do baremo de méritos consideraranse centros públicos asimilados aos centros públicos de ensino secundario os seguintes:

Institutos de bacharelato.

Institutos de formación profesional.

Centros de educación de persoas adultas, sempre que impartan as mesmas ensinanzas que nos centros aos cales se refiren estas subepígrafes.

Centros de ensinanzas integradas.

Para estes mesmos efectos considéranse centros públicos os que corresponden ás prazas dos corpos de catedráticos e profesores de música e artes escénicas de conservatorios de música:

Conservatorios superiores de música ou danza.

Conservatorios profesionais de música ou danza.

Conservatorios elementais de música.

Escolas superiores de arte dramática.

Escola superior de canto.

2. Para os efectos previstos na subepígrafe 4.2. do baremo de méritos consideraranse como cargos directivos asimilados aos centros públicos de ensino secundario os seguintes:

Secretario adxunto.

Os cargos aludidos neste punto desempeñados en seccións de formación profesional.

Xefa/xefe de estudos adxunto.



Xefa/xefe de residencia.

Delegada/delegado da/do xefa/xefe de estudos de instituto de bacharelato ou similares en comunidades autónomas.

Directora-xefa/director-xefe de estudos da sección delegada.

Directora/director da sección filial.

Directora/director de centro oficial de padroado de ensino medio.

Administradora/dministrador en centros de formación profesional.

Profesora/profesor delegada/delegado no caso da sección de formación profesional.

Disposición complementaria cuarta

Os cursos de iniciación e perfeccionamento de galego e as súas validacións serán puntuables polo punto 5.1. deste anexo. Non se valorarán as validacións cando simultaneamente se acredite a realización dos correspondentes cursos. Asemade, puntuaranse por este punto 5.1. os cursos de especialización.

Disposición complementaria quinta

O nivel avanzado de galego da escola oficial de idiomas, o ciclo superior e o certificado de aptitude puntuarán no punto 3.3. como nivel B2.

O nivel intermedio de galego da escola oficial de idiomas e o ciclo elemental puntuarán no punto 3.3. como nivel B1.

Disposición complementaria sexta

En relación coa puntuación dos puntos 6.1., 6.2. e 6.3. non se baremarán publicacións que constitúan programacións didácticas, temarios de oposicións, traballos de materias de carreira, mestrado ou doutorado, edicións de centros docentes e de formación de profesorado, publicacións de prensa nin artigos de opinión. Unha publicación só será valorada nunha das súas edicións. Aplicaranse os criterios de valoración establecidos pola comisión baremadora do concurso de traslados convocado pola Orde do 8 de novembro de 2010.

